



# COMUNE DE MARA

## Provìntzia de Tàtari

### DELIBERATZIONE DE SU CONSÌGIU COMUNALEN. 37 DE SU 22/08/2022

**OGETU:** MUDADURAS A S'ISTATUTU COMUNALE ( SA DE TRES VOTATZIONES) –  
APROVATZIONE DEFINITIVA

S'annu duamìgia e bintiduos, sa die bintiduos, de su mese de Austu a sas 19:00, pustis de un'avisu de cunvocatzione regulare, s'est reunidu in modalidade ammesturada, cun calicunu in presèntzia e àteros in video cunferèntzia, su Consìgiu Comunale, de su cale a s'apellu resurtant:

SAMBENADU E NÙMENE	PRESENTE
CHESSA PAOLO	EMMO
FIORI ANTONIO	EMMO
SALARIS RICCARDO	EMMO
PIU CHRISTIAN	EMMO
MONNI CRISTINA	EMMO
NUGHES PIETRO	NONO
TOLA BASTIANO	EMMO
NUGHES MARCELLO	EMMO
MARIANI ANTONIO	EMMO
MANAI VITTORIO	EMMO

Presentes n° 9 Ausentes n° 1

Partètzipat su Segretàriu Comunale FALCHI ANTONIO MARIA, chi providit a redatzionare custu verbale.

Leat sa Presidèntzia su Presidente CHESSA PAOLO, chi, reconnota legale s'adunàntzia, deccarat aberta sa setziada.

## SU CONSÌGIU COMUNALE

**BIDU** su T.U. de sas leges subra de s'ordinamentu de sos entes locales, aprovalu cun D.lgs. 18 de austu 2000, n. 267, e mudaduras imbenientes, e a manera particolare s'art. 6, chi narat:

*1. Sos comunes e sas provìntzias adotant s'istatutu pròpiu.*

*2. S'istatutu, in s'àmbitu de sos printzìpios fissados dae custu testu ùnicu, apostìvigat sas normas fundamentales de s'organizzazione de s'ente e, in particolare, ispetzìficat sas atributziones de sos òrganos sas formas de garàntzia e de partetzipatzione de sas minoràntzias, sas modalidades de esertzìtziu de sa rapresentàntzia legale de s'ente puru in giudìtziu. S'istatutu apostìvigat, puru, sos critèrios generales in matèria de organizzazione de s'ente, sas formas de collaboratzione tra comunes e provìntzias, de sa partetzipatzione popolare, de su detzentramentu, de s'atzessu de sos tzitadinos a sas informatziones e a sos protzedimentos amministrativos, s'istemma e su gonfalonee totu s'àteru prevìdidu dae custu testu ùnicu.*

*3. Sos istatutos comunales e provìntziales apostìvigant normas pro assicurare conditziones de oportunitades che pare a òmines e a fèminas cunforma a sa lege 10 de aprile de su 1991, n. 125, e pro garantire sa presèntzia de mascros e fèminas in sas giuntas e in sos òrganos collegiales no eletivos de su comune e de sa provìntzia, e puru de soss entes, aziendas e istituzziones chi dependent dae custos.(comma gasi mudadu dae s'art. 1, comma 1, lege n. 215 de su 2012)*

*4. Sos istatutos sunt deliberados dae sos consìgios respetivos cun su votu a favore de duas de tres partes de sos consigeris assignados. Si custa majoria non siat segudada, sa votatzione si torrat a fàghere in setziadas imbenientes de si fàghere intro de trinta dies e s'istatutu est aprovalu si pro duas bortas at su votu a favore de sa majoria assoluta de sos consigeris assignados. Sas dispositziones de sas a cales a cutu comma s'aplicant puru a sas mudaduras de s'istatutu.*

**BIDA** sa delìbera pròpia pretzedente de Consìgiu Comunale n. 02 de su 16 de freàrgiu de su 2001, mudada e integrada cun Deliberazione del Consiglio Comunale n° 15 del 11 maggio 2001 esecutivas e trasmitidas a su Ministèriu de s'Internu, in relata a sas normas in vigèntzia dae in antis, est istadu aprovalu s'Istatutu Comunale;

**RITÈNNIDU** netzessàriu protzèdere, in cunsideru de sas mudaduras chi bi sunt istadas a previsionones legislativas medas, a un'aggiornamentu de su testu de s'Istatutu;

**RITÈNNIDU** puru de protzèdere, puru pro econòmia de consultazione, a s'aprovatzione de unu testu nou coordinadu cun sas mudaduras;

**BIDA** sa tzirculare de su Ministèriu de s'Internu, Dipartimentu pro sos afàrios internos e territoriales, Direzione tzentrale pro sas autonòmias prot. 2100 de s' 8 de freàrgiu de su 2012 cun ogetu: "Regorta ufitziale de sos istatutos comunales e provìntziales", cunforma a sa cale [...] sos entes locales ant a dèvere trasmìtere sos istatutos pròpios in formadu eletrònicu pro mèdiu de sa posta eletrònica tzertificada;

Su Presidente recramados sos atos de Consìgiu Comunale pretzedentes:

- n. 33 de su 29/07/2022 a ogetu: Mudaduras a s'istatutu comunale - (Prima Votatzione)

- n. 35 de su 02/08/2022 a ogetu: Mudadura a s'Istatutu comunale – (Segunda Votatzione)

e pretzisadu chi in sede de segunda votatzione sas mudaduras de s'Istatutu sunt istadas aprovasdas cun su votu a favore de sa majoria assoluta de sos Consigeris assignados, esamina sa proposta de deliberatzione in ogetu pro sa de tres votatziones de sas mudaduras a s'Istatutu comente dae

protzedura prevìdida dae s'art. 6, comma 4, de su TUEL:

**TOTU** custu premitidu e cunsideradu:

**RITÈNNIDU** netzessàriu protzèdere a un'àtera votazione;

**BIDU** s' istatutu comunale allegadu a custu atu pro nde fàghere parte integrante e sustanziale;

**ACHISIDU**, su parre a favore de regularidade tècnica, e de regularidade contàbile, espressados dae sos Responsàbiles de sos Servìtzios Interessados, cunforma a s'art. 49, comma 1 de su D.Lgs. 267/2000 e mm.ii.ii;

**ACABBADA** sa dibata su Sindigu faghet votare su puntu a s'òrdine de sos traballos;

**CONSIGERIS COMUNALES:** Presentes n. 9 - Votantes n. 9 - Astènnidos n. 0;

**CUN** votos a favore n. 9 espressados totu de acordu cunforma a sa lege;

## **DELÌBERAT**

**DE DARE ATU** chi sa premissa constituit parte integrante e sustanziale;

**DE APROVARE**, in sa de tres votaciones, su testu nou de s'Istatutu Comunale de Mara, constituidu dae n. 81 artìculos chi, allegadu, format parte integrante e sustanziale de custa deliberazione e chi sostituit, a totu sos efetos, cussu chi b'est como in vigèntzia;

**DE RECONNÒSCHERE** chi sas mudaduras istatutàrias propostas sunt aprovadas a manera definitiva ca, cunforma a s'art. 6 comma 4 de su D.Lgs 267/2000, no aende àpidu sa majoria de duas de tres partes de sos consigeris assignados in sa setziada de su 29/07/2022, sa votazione de sa matessi proposta de mudadura de s'Istatutu est istada ripitida in àteras duas setziadas imbenientes chi bi sunt istadas a giru de trinta dies dae sa prima aprovazione, otenende pro duas bortas su votu a favore de sa majoria assoluta de sos consigeris assignados;

**DE RECONNÒSCHERE** chi dae custa deliberazione non derivat peruna ispesa;

**DE RECONNÒSCHERE** chi s' Istatutu, gasi comente mudadu, cunforma a su comma 5, de s'art. 6 de su T.U.E.L., cando at a èssere approvadu a manera definitiva at a èssere:

- a) publicadu in s'albu pretòriu de s'ente pro trinta dies sighidas, colados sos cales at a intrare in vigèntzia;
- b) imbiadu a su Ministèriu de s'Internu pro èssere insertadu in sa regorta ufiziale de sos istatutos;
- c) trasmìtidu a sa Regione Sardigna pro sa publicazione in su Bulletinu Ufiziale de sa Regione (BURAS);
- d) publicadu in su giassu web de s'Ente a sa boghe "Amministrazione Trasparente – Sez. Disposizioni Generales".

**DE IDENTIFICARE** Responsàbile de su protzedimentu relativu a custu atu sa Dut.ra Sara Sechi Maria Sara.

---

### **PARRE DE REGULARIDADE TÈCNICA**

Su Responsàbile de su Servìtziu, cunforma a s'art. 147/bis de su TUEL 267/2000 e de s'art. 11 de su Regulamentu subra de sos controllos internos, in òrdine a sa proposta n.ru 467 de su 12/08/2022 espressat parre a **FAVORE**.

Parre firmadu a manera digitale dae su Responsàbile de su Servìtziu **CHESSA PAOLO** oe su 12/08/2022.

---

### **PARRE DE REGULARIDADE CONTÀBILE**

Su Responsàbile de su Servìtziu, cunforma a su D.Lgs. 267/2000 art. 151 c. 4, in òrdine a sa regularidade contàbile de sa Proposta n.ru 46 de su 12/08/2022 espressat parre a **FAVORE**.

Parre firmadu a manera digitale dae su Responsàbile de su Servìtziu **CHESSA PAOLO** oe 12/08/2022.

---

### **LÈGHIDU APROVADU E SUTASCRTU**

Su Presidente  
**CHESSA PAOLO**

Su Segretàriu Comunale  
**FALCHI ANTONIO MARIA**

---

### **NOTA DE PUBLICATZIONE N. 574**

Su 24/08/2022 est publicada in s'Albu Pretòriu sa Delibera de Consìgiu n.ru 37 de su 22/08/2022 cun ogetu: **MUDADURAS A S'ISTATUTU COMUNALE ( SA DE TRES VOTATZIONES) – APROVATZIONE DEFINITIVA**

At a abarrare afissada pro 15 dies cunforma a s'art. 124 de su T.U. 267/2000.

**Esecutiva cunforma a sas dispositziones de lege in vigèntzia.**

Nota de publicatzione firmada dae **BUIONI ANGELA** su 24/08/2022 .